



Sela, Sela tu mond mirà ladin



Idiom: Gherdëina
Meludia: Stefan Demetz
Test: Leo Runggaldier
Ann de publicazion: 1996

Sela, Sela tu mond mirà ladin,
de nosta valedes nosc ujin,
gran monumënt auzà,
gran monumënt al ciel auzà,
da nëus ladins ies tu,
da nëus, da nëus ladins ies tu amà.

Sela, Sela tu mont plu bel ladin
cun nosc bel
cun nosc Dolomit da nëus daujin
da Frea, Mëisules, da Frea, Mëisules y Piz Boè
ulons per for resté
ulons per for pra té resté.

Sela, Sela tu mont plu sant ladin,
amà ies, amà ies for tu bën zënza fin,
tu gran autere crià, tu gran autere da Idie crià
per duc cajù ies tu senià
per duc cajù ies tu senià.